

**“Alskom sug‘urta kompaniyasi” aksiyadorlik jamiyati va Toshkent davlat  
yuridik universiteti o‘rtasida o‘zaro hamkorlik to‘g‘risida**

**MEMORANDUM**

“Alskom sug‘urta kompaniyasi” aksiyadorlik jamiyati (keyingi o‘rinlarda – Kompaniya) nomidan bosh direktor Ilyosov Tursunboy Giyosjon o‘g‘li bir tomondan, Toshkent davlat yuridik universiteti (keyingi o‘rinlarda – TDYU) nomidan rektor v.v.b. Rustambekov Islambek Rustambekovich ikkinchi tomondan, (birgalikda keyingi o‘rinlarda – Tomonlar) O‘zbekiston Respublikasi Prezidentining 2020-yil 29-apreldagi “O‘zbekiston Respublikasida yuridik ta’lim va fanni tubdan takomillashtirish bo‘yicha qo‘srimcha chora-tadbirlar to‘g‘risida”gi PF-5987-son Farmoniga muvofiq ushbu Memorandumni quyidagilar bo‘yicha imzoladilar:

**1-modda. Memorandum predmeti**

**1.1.** Ushbu Memorandumning predmeti Tomonlar o‘rtasida uzoq muddatli, samarali va o‘zaro manfaatli hamkorlikni rivojlantirish, ekspertlar va malakali mutaxassislarni jalb qilgan holda yuqori malakali kadrlarni jalb etish va tayyorlash sohasida qo‘shma loyihalar va tadbirlarni tashkil etish hamda o‘tkazishga qaratilgan sheriklik munosabatlarini o‘rnatish va TDYUda o‘quv jarayonini axborot bilan ta’minlashdan iborat.

**1.2.** Tomonlar umumiy amaliyotdan kelib chiqqan holda tenglik, ijobiy maqsad, hurmat va ishonch asosida hamkorlikni amalga oshiradilar.

**1.3.** Ushbu Memorandumni amalga oshirish jarayonida Tomonlar o‘z faoliyatini O‘zbekiston Respublikasining amaldagi qonunchiligiga muvofiq ish ko‘radilar.

**2-modda. Hamkorlikning maqsad va vazifalari**

**2.1.** Ushbu Memorandum doirasida Tomonlar quyidagi ustuvor vazifalarni hal etish bo‘yicha birgalikdagi harakatlarni amalga oshirishga kelishib oldilar:

Kompaniya tizimiga keyinchalik ishga joylashtirish maqsadida TDYU talabalarini tayyorlash va jalg qilish bo'yicha qo'shma tadbirlar va loyihalarni ilgari surish, amalga oshirishda ko'maklashish hamda o'zaro hamkorlik qilish;

ish beruvchilar bilan hamkorlikda, vakansiya va amaliyat yarmarkalari, talabalar uchun muntazam biznes uchrashuvlar tashkil etib borish;

yoshlarning ijodiy va intellektual salohiyatini amalga oshirish uchun shart-sharoitlar yaratish, yosh olimlarni qo'llab-quvvatlash bo'yicha kompleks chora-tadbirlarni hamda oliy ta'lif, ilm-fan va ishlab chiqarish o'rtaсидаги innovatsion hamkorlikni yo'lga qo'yish;

sug'urta faoliyatini tashkil etish va tartibga solish hamda yurisprudensiya tizimining rivojlanish tendensiyalarini o'rganish bo'yicha qo'shma loyihalar yaratish va ularni amalga oshirish hamda ularning natijalarini innovatsion asosda amaliyotiga tatbiq etish;

Kompaniya tizimi hamda yurisprudensianing kelgusi istiqboldagi faoliyatini rivojlantirish va ularning raqobatbardoshligini oshirishga zamin yaratuvchi dolzarb muammoli mavzular bankini yaratish va ushbu mavzular bo'yicha hamkorlikda tadqiqotlar olib borish;

sug'urta sohasini rivojlantirish jarayonlari, istiqbollari va ushbu sohadagi muammolar va tahdidlarni bartaraf etish hamda yurisprudensiya bugungi kunda mavjud dolzarb muammoli mavzular bo'yicha ilmiy maqolalar, monografiyalar tayyorlash va nashr etish, seminarlar, respublika va xalqaro miqyosdagi konferensiyalar tashkil etish;

TDYU professor-o'qituvchilari, doktorantlar, tayanch doktorantlar shuningdek bakalavriat, Magistratura va sirtqi ta'limda tahlil olayotgan talabalarning ishlab chiqarish va malakaviy amaliyotlarini Kompaniya tizimida samarali tashkil etish;

Kompaniya tizimida ishlash istagini bildirgan TDYUning bakalavriat va magistratura bosqichi talabalarini Kompaniya hamda uning hududiy filiallariga ishga tavsiya qilib borish hamda bo'sh ish o'rnlari yarmarkalarini tashkil etish;

TDYU talabalari o'rtasida qonun hujjatlarini bilishi, talqin qilishi va qo'llashi, tahliliy ma'lumotlarni tayyorlash va huquq ijodkorligi faoliyatini amalga oshirish bo'yicha tanlovlarni tashkil etish;

yuridik kadrlarni tayyorlash borasida xorijiy mamlakatlarning tajribasini o'rganishni tashkil etish;

Kompaniya bilan kelishgan holda Kompaniya tizimida faoliyat olib borayotgan yuqori malakali xodimlarni TDYUning o'quv jarayonlariga jalb qilish.

### **3-modda. O'zaro hamkorlik shakllari**

**3.1.** Hamkorlik doirasida axborot almashish hamda Tomonlar vakillarining uchrashuvlarini tashkil etish.

**3.2.** Tomonlar faoliyatiga taalluqli va o'zaro manfaatli masalalar bo'yicha maslahatlashuvlar.

**3.3.** Ushbu Memorandumdan ko'zlangan maqsadlarga erishishga qaratilgan qo'shma tadbirlar va loyihalarni rejalashtirish (tegishli chora-tadbirlar va dasturlar ishlab chiqish) va amalga oshirish.

**3.4.** Tomonlar o'rtasidagi hamkorlik maqsadlariga erishishga qaratilgan shartnomalar (bitimlar) tuzish.

### **4-modda. Hamkorlikni tashkil etish**

**4.1.** Tomonlar o'rtasida ushbu Memorandumga qo'shimcha ravishda hamkorlikni rivojlantirish bo'yicha yo'l xaritasi imzolanishi mumkin va ushbu yo'l xaritasi Tomonlar o'rtasida imzolanganidan so'ng Memorandumning ajralmas qismi hisoblanadi.

### **5-modda. Qo'shimcha shartlar**

**5.1.** Ushbu Memorandum imzolangach Tomonlar uchun hech qanday huquqiy va moliyaviy majburiyatlarni yuzaga keltirmaydi, bu kabi majburiyatlar yuzaga kelishi uchun Tomonlar o'rtasida alohida fuqarolik shartnomalar tuzilishi talab etiladi.

**5.2.** Ushbu Memorandum dastlabki kelishuv bo'lib, sheriklik shartnomasi hisoblanmaydi va uning qoidalarini bajarmaslik Tomonlar uchun javobgarlikni keltirib chiqarmaydi (Tomonlardan hech biri boshqa tomonga Memorandumning

amalga oshirilishi (muvaffaqiyatsizligi), amal qilishining tugashi yoki tugatilishi munosabati bilan yuzaga kelishi mumkin bo'lgan zararni qoplashga majbur bo'lmaydi).

**5.3.** Ushbu Memorandum doirasida hech bir tomon boshqa tomon yoki Tomonlarning majburiyatları yoki qarzdorliklari bo'yicha mas'ul yoki qarzdor hisoblanmaydi va hech bir tomon tegishli alohida shartnomalar tuzmasdan turib boshqa tomon yoki Tomonlarning vakili sifatida ish olib borishiga yo'l qo'yilmaydi.

**5.4.** Har bir tomon ushbu Memorandum shartlarini amalga oshirishdan kelib chiqadigan xarajatlarni (agar tegishli kelishuvlarda boshqacha qoida nazarda tutilgan bo'lmasa) o'z zimmasiga oladi.

**5.5.** Har bir tomon ushbu Memorandum doirasidagi hamkorlikka oid boshqa tomon bilan oldindan kelishilmagan holda ochiq bayonotlar bermaydi.

## **6-modda. Qonunchilikka rioya qilish**

**6.1.** Tomonlar ushbu Memorandumni, shuningdek, alohida kelishuvlarni O'zbekiston Respublikasining barcha amaldagi qonunchiligiga muvofiq amalga oshiradilar.

**6.2.** Tomonlar boshqa yuridik shaxslar bilan predmeti, hajmi va shartlari bo'yicha o'xhash sharthonomalar tuzishga haqli.

## **7-modda. Maxfiylik**

**7.1.** Tomonlar ushbu Memorandum va boshqa memorandumlar doirasida tuzilgan alohida sharthonomalar bo'yicha boshqa tomondan olingan har qanday ma'lumotlarni sir saqlashga majburdirlar.

**7.2.** Tomonlar ushbu Memorandum shartlari va maxfiy ma'lumotlar sifatida yoki o'z mohiyatiga ko'ra maxfiy deb hisoblanishi kerak bo'lgan ma'lumotlar sifatida uzatiladigan barcha ma'lumotlarning maxfiyligini saqlashga majburdirlar.

## **8-modda. Memorandumning amal qilish muddati va uning tugatilishi**

**8.1.** Ushbu Memorandum 2 (ikki) yil muddatga tuziladi va Tomonlar imzolagan paytdan boshlab kuchga kiradi. Agar Memorandumning amal qilish

muddati tugashiga 30 (o'ttiz) kalendar kun qolganida Tomonlardan hech biri ushbu Memorandumning amal qilishini tugatish istagini bildirmasa, Memorandum har bir keyingi yil uchun uzaytirilgan hisoblanadi.

**8.2.** Tomonlarning har biri boshqa tomonni tugatilishi kutilayotgan sanadan kamida 10 (o'n) kalendar kun oldin yozma ravishda xabardor qilgan holda ushbu Memorandumni bir tomonlama va muddatidan oldin tugatishga haqli.

### **9-modda Yakuniy qoidalar**

**9.1.** Tomonlar ikki tomonlama muzokaralar yo'li bilan ular o'rtasida yuzaga kelgan kelishmovchiliklarni bartaraf etish uchun barcha zarur choralarni ko'radilar.

**9.2.** Ushbu Memorandumga kiritilgan har qanday o'zgartirishlar, agar u yozma ravishda tuzilgan va Tomonlarning har biri tomonidan imzolangan bo'lsa, haqiqiy hisoblanadi.

**9.3.** Tomonlarning har biri boshqa tomonni o'z nomi, manzili, telefon va faks raqamlari va internet manzili o'zgarganligi to'g'risida bunday o'zgarishlar sodir bo'lgan kundan boshlab 5 (besh) ish kunidan kechiktirmay xabardor qilish majburiyatini oladi.

**9.4.** Ushbu Memorandum ikki nusxada tuzilgan bo'lib, bir xil yuridik kuchga ega va har bir tomon uchun bir nusxadan taqdim etiladi.

### **10-modda. Tomonlarning manzillari va imzolari:**

**Alskom sug'urta kompaniyasi"**  
**aksiyadorlik jamiyati bosh**

**direktor**

**T. Ilyosov**



2024-yil " 06 " noyabr

**Toshkent davlat yuridik**  
**universiteti rektori v.v.b.**

**I.Rustambekov**



2024-yil " 06 " noyabr